

毛

詩

說

毛詩卷六

莊子

頌四

頌古容字盛德之至者有成功因作樂以象之使人舞蹈以歌其辭即樂舞也雅主乎聲頌主乎形此雅頌之別也

周頌四之一

頌曷爲繫以周也自雲門以下至周七代皆有舞矣故以周別之也

清廟什四之一之一

清廟一章八句

清廟大朝覲也

於穆清廟。肅雝顯相。濟濟多士。秉文之德。對越在天。駿奔走在廟。不顯不承。無射於人斯。

穆深遠清靜閑也。清廟之官方三百步。明堂辟廡之屬也。相夫子之相冢宰或大宗伯也多士諸侯之相也。秉文之德。冕弁端委有威儀也。越於駿疾也。對越在天。順天命也。駿奔走在廟。凜王威也不古。王字不顯不承。即孟子所引言云。王顯文王之讓。丕承武王之烈也。丕大顯明承繼也。追言文武謨烈。可無厭射於人戒辭也。

朝覲非有樂也。凡王合諸侯必行饗禮。諸侯長十有再獻於。是乎舞。此詩凡詩既列於頌。當知其不徒歌也。

維天之命一章八句

維天之命尊王文王也

維天之命於穆不已於乎不顯文王之德之純假以溢我我其收之駿惠我文王曹孫篤之

命命周有天下也不已無窮也命之不已於何見之於顯然文王之德之純見之矣溢滿收斂駿大惠順也文王德純未及受命而天假命於我我德未純是天溢我也我懼其溢可不思所以收之收之如何亦惟有大順乎文王之德且使曹孫篤厚之則命度不已耳亦戒辭也

凡大事用樂有歌必有舞大雅文王樂歌也此詩樂舞也

維清一章五句

維清禋祀昊天上帝也

維清緝熙文王之典肇禋迄用有成維周之禎

維清與直哉維清義同猶云齊明也典法也精意享帝曰禋清而緝熙潔齊之至本文王之法也但文王未即位未行其禮今始禋祀而大禮竟能有成豈非周有天下之禎祥乎重其事而幸其成也

二雅不載專祀天之詩即此詩禋祀猶推本文王之典蓋禋祀者帝王之所同而文王之受命則周之所獨夫亦可以識刪詩之意而審受命之符矣

烈文一章十三句

烈文禮來朝諸侯也

烈文辟公錫茲祉福。惠我無疆。子孫保之。無封靡于爾邦。維王其崇之。念茲戎功。繼序其皇之。無競維人。四方其訓之。不顯維德。百辟其刑之。於乎前王不忘。

烈言功。文言德。辟公諸侯之長。牧伯是也。錫茲祉福。美其來朝。是錫我以福也。惠我無疆。言其能屏翰王室。轉和百辟也。保至子孫無疆之極也。封專利以自封殖也。靡汰侈也。無封靡于爾邦。戒之也。崇尊尚也。戎大也。序同緒。皇彰大也。念此時之大功。尤望其繼緒。皇之勉其勿怠也。無競。貴溫恭也。不顯。尚闇修也。

前王謂文王也。蓋無競不顯者前王之所以爲四方訓百辟刑也。故又終以於乎不忘勸之。

諸侯來朝王必裸而禮之。其禮嚴故與湛露彤弓異。而此又其樂舞耳。

天作一章七句

天作享岐山也

天作高山。大王荒之。彼作矣。文王康之。彼咀矣。岐有夷之行。子孫保之。

高山謂岐山也。荒治也。彼俱指岐山而言。康安咀高也。大王荒之。而岐作文王康之。而岐高。蓋前此不知有岐。天既作之高之。

而大王文王又能順承乎天也。黃帝行道也。於是岐有夷之行而子孫遂可長保之也。

岐山爲周發祥之地。故隆特享之禮。然岐不列於五嶽。則秩位不能過崇。故不稱公而稱大王。明王業之所自。可伸私尊與縣皇矣。二詩大王終不稱王者。異矣。

昊天有成命一章七句

昊天有成命。旅上帝於岐山也。

昊天有成命。二后受之。成王不敢康。夙夜基命宥密。於緝熙單厥心。肆其靖之。

命有天下之命也。后君也。未成乎王之稱。二后大王文王也。成

王者武王克商遂成王業而有天下也基命者始有天下則不可不爲之基也宥寬密稠也寬則不迫稠則不疎治天下之規模也單畫靖安也於是而緝熙以盡其心庶天下之安靖亦祈天永命之戒辭也

大雅皇矣蕪及王季而此詩及上篇但言大王文王何也蓋周之受命始於大王成於文王王季不過順承其中未有受命之績故皇矣亦止歌王季守成之德而樂舞擬諸形容必本於受命之實夫亦舞以象功故也

我將一章十句

我將宗祀文王配上帝也

我將我享。維羊維牛。維天其右之。儀式刑文王之典。日靖四方。伊
嘏文王。既右饗之。我其夙夜。畏天之威。于時保之。

將奉享獻也。右戶西南向之位。既右之。右則戶西南下東向之
位也。天尊不敢必其來饗。故曰其右之。儀式。用刑法也。曰儀
式者。自勉之辭。嘏。錫福也。言王庶法文王以靖四方。則能錫福
之。文王既在戶西南下東向之位。以饗之。文王親故來饗。苟必
而曰既右也。又言天與文王。既皆右饗矣。我不敢夙夜畏天之
威。以保天與文王降鑒之意乎。

呂氏曰。於天惟庶其饗。不敢加一辭。焉於文王。則言儀式。其
典。天不待贊。法文王所以法天也。末言畏天之威。而不及文

王統於尊也畏天所以畏文王也

時邁一章十五句

時邁巡守而柴望秩也

時邁其邦。昊天其子之。實右序有周。薄言震之。莫不震疊。懷柔百神。及河喬嶽。允王維后。明昭有周。式序在位。載戢干戈。載櫜弓矢。我求懿德。肆于時夏。允王保之。

邁行也邦諸侯之國也時邁其邦十有二歲王巡守殷國也巡守以亮天子則昊天其子矣右尊序次也實右序有周者尊為天子之次夫意實在有周也震動疊懼也時巡則王威震動故邦國皆震懼也懷柔百神及河喬嶽者遠徧禮天地神示柴望

秩也。后君也。夫如是而信乎王爲天下君也。明昭有周。式序在位者。主威赫濯。由於政治修舉。遂以慶讓黜陟。序次在位之諸侯也。戢。取。秦。鞞。肆。陳也。夏中國也。戢。干戈。秦。弓矢。健。武事也。未懿德肆時。夏布文德也。夫如是而信乎王之能保天命也。

巡守之制。肅侯。康明。王章。主者所以治天下也。故棧。樸。詩曰。周王于邁。六師及之。其爲赫聲濯靈者。至矣。而其本則非尚威也。故歸之於懿德。

執競一章十四句

執競祀武王也

執競武王。無競維烈。不顯成康。上帝是皇。自彼成康。奄有四方。

斤其明。鐘鼓。嗶嗶。磬筦。將將。降福穰穰。降福簡簡。威儀反反。既醉既飽。福祿來反。

執競自強不息也。無競即無競。維人之無競也。惟能無競。故功烈之大。至有天下也。成康者。王業成而天下康安。即綏萬邦。屢豐年也。不顯成康。言其成康顯著。是上帝之所命。為君者也。斤明之至也。自成康而有四方清明。偏於天下也。以上言武王有天下之功。嗶嗶聲大也。將將樂和也。穰穰多也。言作樂以祭而神來降福也。簡簡福多有微可簡數也。威儀醉飽言尸之威儀可為法則而醉飽則神無不欣悅。故福祿之來反覆無已也。

武王遂有天下。後為世室。不祧。故存特祀之詩。

思文一章八句

思文祀后稷配天也

思文后稷克配彼天。立我烝民。莫匪爾極。貽我來牟。帝命率育。無此疆爾界。陳常于時夏。

思文以文德存心也。言后稷有文德故能配天也。立同粒極表也。民之得以粒食者由后稷垂種藝之法以爲之極也。貽道也。來小麥牟大麥也。后稷之前未有來牟至是而天降來牟使民於盛夏有食以生皆由后稷之德配天故特貽來牟以徧養斯民不分疆界而陳陳相因麥秋遂常於時夏也。

此王將耕藉而先祭稷以配天也。若祈雩賽蜡自有幽雅幽

頌諸詩

清廟什十篇十章九十五句

臣工什四之一之二

臣工一章十五句

臣工王耕藉也

嗟嗟臣工。敬爾在公。王釐爾成。來咨來茹。嗟嗟保介。維莫之春。亦又何求。如何新畲。於皇來牟。將受厥明。明昭上帝。迄用康年。命我衆人。疇乃錢鎔。奄觀銍艾。

嗟嗟重歎以救也。臣工凡與耕藉之有司也。非私事曰公釐賜也。成成法也。咨即指嗟嗟而言。茹度也。保保氏也。保氏王舉則

從猶擯介然月令考保介之御問是也耕必在於孟春暮晚也
畚三歲田也若過時不耕則莫矣莫則有求不得雖有新畚之
田亦無如何也國語弗震弗渝厥其滿皆穀乃不殖是也臯大
也明上帝之明賜也康年有年也衆人旬徒也痔具也錢銚鉶
鉶皆田器也銚短鎌也艾同刈穫也言望麥之熟農事不可緩
也

農者生民之本而王稽以奉天地宗廟社稷之榮盛尤宜肅
恪將事臣工保介雖指執事而言實亦不敢斥王之意詩多
戒辭其義自見

噫嘻一章八句

噫嘻王省耕也

噫嘻成王既昭假爾率時農夫播厥百穀駿發爾私終三十里亦服爾耕十千維艸

噫嘻歎美辭成王周以穡事開國而遂成王業也既昭假爾者周之格天既有明徵也夫然則法祖格天勸農力穡其可怠乎於是率農夫而播穀且使之大發其私田而萬夫之耕遂終三十餘里此本公劉修后稷徹田之制而周有天下遂爲四郊遂地稼政也

六鄉士民主敦禮樂以三物賓賢能已具鹿鳴之三矣六遂農民主治稼穡雖存幽雅而王政勸農尚有未備故於頌錄

此詩蓋亦因藉而行之制也

振鷺一章八句

振鷺饗客也

振鷺于飛。于彼西雝。我客戾止。亦有斯容。在彼無惡。在此無數。庶幾夙夜。以永終譽。

振振翼也。離辟靡也。西雝。西也。鷺鳥潔白。飛於靈沼之旁。喻客之冬見於國學也。商微子之子稽封宋。爵爲上公。於周爲客尊之不盡。臣也。亦有斯容。亦如鷺之潔白也。彼其國也。下無惡於其國。上無數於王朝。則有德而有譽矣。而又庶幾夙夜。以永終之。寓規戒於頌美之中也。

宋以先代之後獨爵上公爲周上客其尊莫比次則齊大公以元勳元舅文其次則陳胡公以配元女爲陶正俱爲侯爵與宋備三恪爲衆賓之長此周班異姓所尊他國莫得並焉而此詩以彼此爲言則義專於宋亦無疑矣。

豐年一章八句

豐年藏藉收也

豐年。句多黍多稌。亦有高廩。萬億及秬。爲酒爲醴。烝畀祖妣。以洽百禮。降福孔皆。

豐年大有年也。稌稻也。黍宜高燥而寒。稌宜下濕而暑。黍稌皆熟則百穀無不熟。黍高廩。蓋王藉廩名也。數萬至萬曰億。數億。

至德曰秭烝進洽備也言收入之多祭祀可備禮也

此蓋祀康以藏重藉事故特有樂舞也詩宜在振鷺前或脫簡而失次耳

有瞽一章十三句

有瞽大合樂也

有瞽有瞽在周之庭設業設虡崇牙樹羽應田縣鼓執磬祝圉既備乃奏簫管備舉喤喤厥聲肅雝和鳴先祖是聽我客戾止永觀厥成

瞽無目大師之屬崇牙樅也樹羽置五采之羽於崇牙之上也應小鞀田大鼓也縣鼓周制也夏足鼓殷楹鼓周縣鼓執如鼓

而小兩旁有耳持柄搖之則耳還自擊磬右磬也祝如漆桶以木爲之中有椎連底桐之令左右擊以起樂者也圍亦作啟如伏虎背有二十七鉏鑄刻以木長尺擦之以止樂者也蕭編小竹管爲之管如蓬併兩而吹者也嗶嗶始作聲衆而大也蕭嗶如也雖純如也和鳴音諧而繹如也祖聽可以禮神客戾可以禮賓也觀成樂闋而無不和也

大胥春合舞秋合擊比官展器蓋有司因時習事非特肄業且以審樂而修廢補壞斯克隨事宿縣而禮明樂備也特爲樂舞以合之於廟所以慎重其事故能不至陵替也乎。

潛一章六句

潛時漁也

荷與漆沮。潛有多魚。有鱸有鮪。鱖鰭鱣鯉。以享以祀。以介景福。
荷與歎美辭。潛。潛也。積柴養魚。使避寒也。鱸。白鱸也。

獻人掌時獻。非大典也。而此詩形之樂舞。何如。蓋四時之用。本以習武。而遂供三品。則舟楫乃水師之事。亦因漁講武。而遂供鱸鳧也。特其制闕於冬。官無可考。證然享祀介福。與車攻吉日之大庖不盈。御賓酌醴。固無二義也。

雖一章十六句

雖諸侯來朝助祭文世室也

有來雖。雖。至止肅肅。相維辟公。天子穆穆。於薦廣牡。相予肆祀。假

哉。皇考。綏子。孝子。宣哲。維人。文武。維后。燕及。皇天。克昌。厥後。綏我。眉壽。介以。繁祉。既右。烈考。亦右。文母。

來來朝至入廟也相助祭也辟公諸侯長也穆穆祭容也廣牲大牲也肆祀肆獻裸也假同格假哉奠其來格而未敢必也皇考本謂文王也亦爲先王之通稱緣安也來格則安也宣明也宣哲則盡人之道文武則備君之德故能燕及於天而昌後人也綏壽介祉頌禱之辭右尸西南向之尸位也烈以功言文以德言烈考文母雖主文王大似言亦祖妣之通稱以非專諱故可通用也亦右文母者祭不二尸猶以某妃配也

此詩本爲諸侯助祭文廟之舞而樂師又云及徹帥學士而

歌儻則通用於羣宮之儻矣。然曰歌而不曰舞，則歌雖通用而舞固專於文室也。蓋頌爲樂舞，又可徒歌耳。

載見一章十四句

載見諸侯來朝助祭武世室也

載見辟王曰求厥章。龍旂陽陽，和鈴央央。鞞革有鷖，休有烈光。率見昭考，以孝以享。以介眉壽，永言保之。思皇多祐，烈文辟公。綏以多福，俾緝熙于純嘏。

辟王，嗣王也。章，法度也。陽陽，鮮明也。軾前曰和，旂上曰鈴。鷖，蒼色，休美也。諸侯來朝，稟新王之法度而儀從，車服有光采也。率，新王率諸侯也。昭考，武王也。亦爲後王入廟當昭者之通稱。新

王率諸侯以孝享。遂歸美於諸侯而爲頌禱辭也。

上篇文廟成而諸侯助祭。此篇武廟成而諸侯助祭。以其俱爲世宰。故存以著一代之典。迨其後凡諸侯朝新王而助祭。禘廟亦遂循昭穆而通舞之。與尊三宗祀特祀之詩制固不同也。

有客一章十二句

有客親諸侯也

有客有客。亦白其馬。有萋有且。敦琢其旅。有客宿宿。有客信信。言授之繫。以繫其馬。薄言追之。左右緹之。既有淫威。降福孔夷。

客宋公也。諸侯以異姓爲疎。宋公爲尊也。殷尚白。故乘白馬。萋

盛且多也數珍金玉之有文者旅從行之衆也從行皆賢則客之賢不待言矣宿宿信信欲其宿而又宿信而又信也繫其馬愛之至而不欲其去也追已去而猶欲其留也左右緩慮其不留而思多方以安之也淫盛也威威儀也夷易也威儀既盛則降福甚易亦以美爲規也

凡賓客諸侯有卿訝此蓋客歸訝送之詩所以厚往也禮有郊勞贈賄不錄其至而錄其歸禮以終事爲難蓋亦舉終以見始也

武一章七句

武大武首章也

於皇武王無競維烈。允文文王克開厥後。嗣武受之。勝殷遏劉者
定爾功。

皇大也。武威武也。王武王也。武王之武非恃強也。惟能無競故
有烈耳。況有允文之文王爲之先以開其後。宜武王繼以武功
而受天命也。遵乎劉殺者致也。於是勝殷止殺遂致有天下之
大功也。

周以武功有天下。大武者象功者也。錄首章於此以存開國
之規。後之所錄以足篇數而已。

臣工什十篇十章百七句

閔予小子什四之一之三

閔予小子一章十一句

閔予小子嗣王朝廟也

閔予小子。遭家不造。嬛嬛在疚。於乎皇考。永世克孝。念茲皇祖。陟降庭止。維予小子。夙夜敬止。於乎皇王。繼序思不忘。

閔憂傷也。予小子嗣王自稱也。遭遇也不造猶云不幸不天也。嬛同榮。嬛嬛失怙無依貌。在疚居憂也。皇考武王也。亦嗣王稱廟之通稱。永世克孝。歎美皇考之終身能孝也。皇祖文王也。言先王之所以克孝。惟時念文王常若見其陟降於庭故也。夙夜敬止。庶幾法先王之孝也。於乎皇王歎大哉之王業。憂不易繼也。繼序思不忘者。欲繼先王之緒。惟有思先王之孝而不忘。夙

夜之敬耳

此本成王除喪朝廟之作。後凡嗣王朝廟。遂舞之以爲典也。後三章皆然。

訪落一章十二句

訪落嗣王朝羣臣也

訪。予。落。止。率。時。昭。考。於。予。愆。哉。朕。未。有。父。將。予。就。之。繼。猶。判。渙。維。予。小。子。未。堪。家。多。難。紹。庭。上。下。陟。降。厥。家。休。矣。皇。考。以。保。明。其。身。訪。問。落。始。也。言。我。欲。爲。政。必。訪。於。人。无。在。於。始。也。終。止。判。分。渙。散。也。率。昭。考。遵。先。王。之。法。也。然。其。道。悠。長。未。有。所。止。即。有。助。我。者。使。從。而。繼。之。猶。恐。其。判。渙。而。不。合。也。未。堪。多。難。謂。先。王。甫。躬。

或有艱大慮不勝任也。紹庭上下言已嗣守先王之庭而承上
下神祇也。陟降厥家言先王之靈亦陟降於家以眷已也。夫如
是庶幾賴皇考之休以保明其身也。

設爲王辭以規王也。觀末二句則知爲羣臣進戒於王始莅
政之詩矣。

敬之一章十二句

敬之君臣相責難也

敬之敬之。天維顯思。命不易哉。無曰高高在上。陟降厥士。日監在
茲。維予小子。不聰敬止。日就月將。學有緝熙于光明。佛時仔肩。示
我顯德行。

顯明也。息諂辭事也。再言敬之所以深明命之難保。夫雖高而其顯然可畏者於王之所事固無日不監察也。此羣臣戒王也不聽猶不明也。承上受戒而言故曰不聽不聽則必不能受戒而知敬故曰不聽敬也。惟度幾羣臣日就月將以教戒之則學或有緝熙之功而能光明耳。佛弼通仔肩任也。終之以佛時仔肩亦我顯德行則求助弼示者至矣。此王戒羣臣也。

上篇羣臣戒。下篇王戒羣臣。而此則君臣相戒。皆新王莅朝之樂舞也。其義與康王義嗣君臣相戒之辭略同。但此則在免喪即位時耳。

小毖一章八句

小豎嗣王求助也

子其憊而忘後患。莫子拜蜂。自求羊螫。肇允彼桃蟲。拚飛維鳥。未堪家多難。子又集于蓼。

憊有所傷而知戒也。忘慎拜使也。蜂小物而有毒。肇始允信也。桃挑字之誤。挑蟲。削葦食其中蟲也。鳥之小者。一名刀了。爾雅作鷓鴣。即刀了也。拚飛。貌鳥大鳥也。鷓鴣之雛化而爲鷓言始小而終大也。蓼。辣草也。

蘇氏曰：小豎者，慎之於小也。慎於小則鮮大患矣。此蓋成王遭管蔡之難而作，而其後嗣王蒞政亦即舜以爲戒也。

戴芟一章三十一句

載芟春祈也

載芟載柞其耕澤澤千耦其耘徂隰徂畛侯主侯伯侯亞侯旅侯疆侯以有嗇其醴思媚其婦有依其士有略其耜俶載南畝播厥百穀實函斯活騂騂其達有厭其傑厭厭其苗緜緜其麋載穫濟濟有實其積萬億及秭爲酒爲醴烝畀祖妣以洽百禮有飶其香邦家之光有椒其馨胡考之寧匪且有且匪今斯今振古如茲

芟除草柞除木猶云抽棘也澤澤解散也隰隰田也畛田畔也主家長伯長子亞仲叔旅衆子弟也疆民有餘力來助者遠人以疆予任吐是也能左右之曰以若後世傭工隨主人左右者也嗇衆飲食聲鳩順依愛士夫也言餉婦耕夫相慰勞也略利

俶始戴事函令活生也驛驛苗生速也連出土也感受氣足也
傑先長者也縣縣詳密也庶耘也濟濟穫者眾也實盈也積露
積也饒香貌一作苾胡壽也以燕享賓客則邦家所以光也以
供養者老則胡考所以寧也且此振極也言非獨此處有此稼
穡非獨今時有此豐年蓋極古以來已如此矣猶言自古有年
也

此與下篇皆幽頌也其始本爲祈報之舞而祭蜡息老物亦
遂吹之曰吹則非但不舞而亦不歌矣蓋詩有本義有通用
有斷章苟不得其說而徒舉一端以底幾乎想像仿佛其不
馬扣柴扞籥者幾何哉

良耜一章二十三句

良耜秋報也

夏夏良耜。倣載南畝。播厥百穀。實函斯活。或來瞻女。載筐及筥。其饑伊黍。其笠伊糾。其錡斯趙。以薊荼蓼。荼蓼朽止。黍稷茂止。穫之。穰穰積之。粟粟其崇如墉。其比如櫛。以開百室。百室盈止。婦子寧止。殺時犉牡。有採其角。以似以續。續古之人。

夏夏嚴利也。或瞻女者。婦子之來。隨者也。筐筥饑器也。饑續也。自家之野曰饑。糾。輕舉貌。趙。刺薊去也。陸。茶水。蓼。皆毒草。害苗者也。毒草朽則土熱。而苗盛。程。採。獲聲。粟。果堅實也。櫛。理髮器。言密也。百室。一族之人也。五家爲比。五比爲閭。四閭爲族。族人

革作相助故同時入教也。博牲牛也。古之人謂后稷也。

幽雅不戴報蜡。幽頌不戴雪蜡。及冬祈則即所存而所刪者亦可舉一反三也。舊師掌羽籥之舞。此與上篇則幽籥之舞也。

練衣一章九句

練衣繹賓尸也

練衣其紆。戴弁俛俛。自堂徂基。自羊徂牛。燕鼎及蕤。兕觥其觶。旨酒思柔。不吳不敖。胡考之休。

練衣祭服也。紆潔白貌。戴戴也。弁爵弁俛俛。弁貌。繹止賓尸。非祭也。祭服尚黑。次之。故繹尚白。猶衣練而不用朝服。仍祭事而

重之也。祭服以冕次之。故釋以弁。猶之大朝。袞冕而常朝。皮弁素積也。此皆天子之服也。基門。塾之基。最大。鼎。鼎小。鼎圓。拊上。謂之。康。康大。言而。詳也。皆言禮儀詳慎也。賓尸。雖近於燕。而猶有祭餘之敬。故終言。罰爵。以致敬也。

鳧鷖爲賓尸之樂歌。此爲賓尸之樂舞。

酌一章九句

酌。益大武次章也。

於鍊王師。遵養時晦。時純熙矣。是用大介。我龍受之。蹶蹶王之造。

載用有嗣。實維爾公。允師。

末二字句

鍊。金之既鍊。精美者也。故爲王師之喻。遵養時晦。言順時涵養。

以自晦也時至純熙則晦極而無有不明也介甲也大介我衣而伐商也龍者神化之物大君之象也受受天命也龍受猶云乘龍御天也躑躑武貌造作也龍受而成王者之造猶云飛龍在天大人造也嗣卽讓德弗嗣之嗣言遂用此嗣殷有天下也爾指師而言公功也武王伐商遂有天下實取人奉命之功是乃允爲王者之師也

酌取斟酌之義蓋尋第行師之功將以班養也故詩中曰饗曰躑白爾公曰允師皆爲美之之辭內則十三舞勺即此也

桓一章九句

桓大武六章也

綏爲邦。屢豐年。天命匪解。桓桓武王。保有厥士。于以四方。克定厥家。於昭于天。皇以間之。

屢豐年則萬邦綏矣。是天命眷周久而不懈也。桓桓武王。以用也。於是桓桓然有武功之手。長保其士而用之於四方。亦使各定其家。則公侯卿士有國有家。與周王之受命俱昭於天。而大其代商之業也。間代也。

此封禪既畢而終勉以保定。益頌禱之辭。所謂爰及苗裔是也。

賚一章六句

賚大武三章也。大封功臣於文王之廟也。

文王既勤止。我應受之。敷時繹思。我徂維求定。時周之命於繹思。應當也。文王既勤受命之事。則武王當受天命也。敷布時是也。因言今之布是大者。皆文王之勤所致也。而可不尋繹而深思乎。因又言我之往伐商也。亦惟求天下之安定耳。而遂克商而有天下。豈非周之命哉。蓋若始願不及此也。歎美而再言繹思。深言文王之勤之不可忘也。

此詩本在極前而篇次極後者。與維天之命。應蓋終始於文王也。

般一章七句

般以周有天下。禱告岳瀆也。疑亦大武之章。

於皇時周陟其高山。墮山喬嶽允猶翕河。敷天之下。褒時之對。時周之命。

墮山嶽猶尚翕。敷也。河會眾川。善於汎濞。水得其性。則翕而不爲暴也。言大哉是周之受命。而有天下也。升山之高者。則極乎高嶽之巒。涉川之大者。則尚有大河之翕。凡皆蘊沉以禮之。而遂布命於天下。使之羣聚。而對天命。以來朝。是豈有他哉。亦惟周有天命故耳。

此與時邁異。非巡守也。但遣使祭告而徵諸侯來朝耳。清廟新王大朝覲。而曰對越在天。此詩班新命。而曰褒時之對。其義既同。故頌以終始相應也。般班也。布也。

閔子小子什十一篇十一章百三十七句

魯頌四之二

魯國本少昊之墟在禹貢徐州蒙羽之野成王以封周公
長子伯禽舞佾雖下達於古而非天子不能私自作頌魯
侯國而有頌何也蓋亦美其名以誇僭乎上而其詩實在
不風不雅之間非樂舞也聖人仍其名以著其僭又以見
時至春秋禮崩樂壞即風雅頌之名顯然人所易曉者而
亦混淆莫辨惟事僭妄以爲悅則雅頌之用又焉能得所
哉

朝四章章八句

駟美僖公馬政也

駟駟牡馬在坳之野。薄言駟者。有騶有皇。有驪有黃。以車彭彭。思無疆。思馬斯臧。

駟駟腹幹肥張貌。凡馬特居四之一。馬以牡爲貴也。但言牡馬則馬之盛可知。野外謂之林林。外謂之坳。遠地也。騶馬性健行也。以車駕車也。彭彭馬多貌。諸侯之馬六閑四種。此章四馬。奔馬也。六閑中之善者以駕金路。則六馬駕象路。則五馬。故彭彭然見馬之多也。思無疆者。心之官則思。僖公勤於政治。故其所思念無有疆界以之思而馬即善也。

駟駟牡馬在坳之野。薄言駟者。有騶有皇。有驪有黃。以車彭彭。思無疆。思馬斯臧。

無期思馬斯也

驂馬輕捷如短尾隼。馵馬止如大鳥形。驂赤黃色。馵青白色。此戎馬也。任任有力也。無期猶無疆也。不能也。

駟。駟牡馬。在坰之野。薄言駟者。有驂有駟。有駟有雜。以車縶。縶思無駟。思馬斯作。

騂。騂若雜疾。驅不之也。雜鳥名。未詳。蓋馬之色。性似之。此道馬也。縶縶不絕。貌作當起也。

駟。駟牡馬。在坰之野。薄言駟者。有駟有馵。有驂有魚。以車祛。祛思無邪。思馬斯但。

馵。馵馬性如牡豕。驂馬形曼長。魚馬目如魚目。此駟馬也。以供役。

事者祛祛微逐貌徂行也

僖公於春秋爲魯國中興之主此詩所頌亦猶味衛文之跡
北三千耳然此因公馬非國馬也國馬出於丘乘公馬掌於
六駟蓋言公馬而國馬亦可見也

有駟三章章九句

有駟美相臣也蓋謂成季也

有駟有駟。駟彼乘黃。夙夜在公。在公明明。振振鷩鷩。鷩于下鼓。咽咽
辭言舞于胥樂兮

駟馬肥強貌明明辨治也振振舞貌鷩鷩羽舞者所持或坐或
伏如鷩之下亦以鷩之潔白喻賢臣也咽咽鼓節也胥樂君臣

柎樂也

有駉有駉。駉彼乘牡。夙夜在公。在公飲酒。振振鷩鷩。于飛鼓咽咽。醉言歸于胥樂兮。

有駉有駉。駉彼乘駟。夙夜在公。在公載燕。自今以始。歲其有。君子有穀。詒孫子于胥樂兮。

駟馬肥脂如鳩也。有有年也。穀善詒遺也。君子純君臣而言皆頌禱之辭也。

僖公初年成季當國勵精圖治憂勤不雨政治可觀追仲遂執政則政荒而侈僖德衰矣故此詩爲美成季無疑。

泮水八章章八句

泮水美建國學也

思樂泮水。薄采其芹。魯侯戾止。言觀其旂。其旂茝茝。鸞聲噦噦。無小無大。從公子邁。

泮水半天子辟雍之水也。魯爲東方大侯。爵雖侯而制與公同。故國學亦半天子也。茝。茝當作旒旒。或作旒。旒飛揚也。小。太官守之。小。大也。侯以爵言。公則一國之君稱也。

思樂泮水。薄采其藻。魯侯戾止。其馬蹻蹻。其馬蹻蹻。其音昭昭。載色載笑。匪怒伊教。

音德音也。色。容色言其和也。學士承君之色笑而後喜。君之非怒而意在於教也。

愚樂泮水。薄采其菲。魯侯戾止。在泮飲酒。既飲旨酒。未錫難老。順彼長道。屈此羣醜。

菲。鳧葵。萹菜也。飲酒行燕以落成也。未錫難老。言天長賜君以不老也。長道。長久之大道也。屈服也。

穆穆魯侯。敬明其德。敬慎威儀。維民之則。允文允武。昭假烈祖。靡有不孝。自求伊祐。

烈祖。周公魯公也。

明明魯侯。克明其德。既作泮宮。淮夷攸服。矯矯虎臣。在泮獻馘。淑問如皋陶。在泮獻囚。

泮宮者。學必有宮。其室依命。數淮人不服。魯得專征。魯能建學。

明儉則政修而淮人亦服也。矯矯武穆淑善也。問訊囚也。凡出兵受成於學。反則舍與於學。以訊誠告。囚所得不服之人也。信公嘗從齊桓公城綠陵。會淮故有服淮之功。

濟濟多士。克廣德心。桓桓于征。狄彼東南。烝烝皇皇。不吳不揚。不告于訕。在泮獻功。

德心愛人之心也。狄猶邊也。彼者遠外之意。東南淮地也。烝烝皇皇。盛也不吳不揚。肅也不告于訕。師克而和。不爭功也。

角弓其觶。束矢其楛。戎車孔博。徒御無斃。既克淮夷。孔淑不逆。式圖爾猶。淮夷卒獲。

觶。弓健貌。五十矢為束。楛。矢疾聲。博。廣大也。無斃言競勸也。逆。

違命也言惟能固其謀故淮人終服也

翩彼飛鷗。集于泮林。食我桑黹。懷我好音。憬彼淮夷。來獻其琛。元龜象齒。大賂南金。

鷗鷗聲鳥也泮林學堂園游之林也黹桑實也喻淮人食德而順服去惡聲而慕好音也憬覺悟也琛寶也元龜尺二寸賂遺也南金荆揚之金也

治國者文教武功不可偏廢然探其本而言則文德既修遠人自服吳僖公修泮宮而淮人服雖適當齊桓東略之時蓋亦其理有宜然者若但事文具固無與耳

闕官九章五章章十七句二章章八句二章章十句

闕宮是路寢成也春秋僖公二十年西宮災而傳有曰
西宮之朝則西宮路寢也對東宮曰西宮對北宮則亦
曰南宮也

闕宮有恤實實枚枚赫赫姜嫄其德不回上帝是依無災無害彌
月不遘是生后稷降之百福黍稷重穰種稗菽麥奄有下國俾民
稼穡有稷有黍有稻有秬奄有下土饋焉之饋

闕深邃也宮西宮也恤清靜也實實鞏固枚枚磐石也赫赫神
之靈也依憑也言上帝之神馮其身而生后稷也先種曰種後
種曰穡奄有下國封於印也

后稷之孫實維大王居岐之陽實始翦商至于文武饋大王之饋

致天之居于牧之野。無貳無虞。上帝臨之。敷商之旅。克成厥功。王曰。叔父。建爾元子。俾侯于魯。大啟爾宇。爲周室輔。

翦削扁極也。翦削商世始自大王。至文武而乃究其極也。敷厚也。言旅之衆也。成速也。同也。言功成之速而周公亦與也。王成王也。叔父。周公元子。魯公也。啟開宇居也。王曰。以下擡舉封國策命之辭。

乃命魯公。俾侯于東。錫之山川。土田附庸。周公之孫。莊公之子。龍旂承祀。六轡耳耳。春秋匪解。享祀不忒。皇皇后帝。皇祖后稷。享以駉犧。是饗是宜。降福既多。周公皇祖。亦其福如。

伯禽封侯而稱魯公者。加爵爲公也。山岱川濟也。土田常許之。

屬附庸方五十里小國不列五等者邾牟爲之屬也莊公之子
僖公也龍旂交龍之旂同姓以受封者祀郊祀也耳耳如耳之
列言其肅也后君也帝上帝也天子六遂四郊爲農事四時郊
祀上帝以五人帝爲主后稷爲配魯有三郊三遂則三時郊祀
上帝以五官正爲主亦后稷爲配必祀上帝爲民事也天子以
五帝爲主諸侯以五官爲主君臣之分也五官爵皆上公尊後
五帝故曰后以后稷配農事也后稷加皇祖侈遠祖也故皇祖
在上周公本魯之始祖故皇祖在下

秋而戴嘗夏而楅衡白牡騂剛犧尊將將毛魚載吳蓬豆大房萬
舞洋洋孝孫有慶俾爾熾而昌俾爾壽而臧保彼東方魯邦是常

不虧不賄。不震不騰。三壽作朋。如同如陵。

嘗秋祭名楅衡。施於牛角。所以止觸也。白牡求牛。駢剛享牛也。求牛以求神於門。門主秋。故用白。后稷之時。取軼以瓶。至周有天下。乃改用牛。益惟禘祭。貴誠。則仍用羊耳。犧尊純色之尊。益即獻尊也。將將嚴正貌。毛魚以豚爲之。八珍之一也。觶。切。因也。羹。大羹。剛。羹也。大房。車體之組。足下有跗者也。震騰。皆動也。三壽。上壽中壽下壽之人也。朋者。齒德俱尊。與之爲友也。此章有脫句。

公車千乘。朱英綠縵。二矛重弓。公徒三萬。貝冑朱綬。烝徒增增。戎狄是膺。荆舒是懲。則莫我敢承。俾爾昌而熾。俾爾壽而富。黃髮台

背青胥與試俾爾昌而大俾爾耆而艾。萬有千歲眉壽無有害。公車旬地兵車也。侯國二軍軍五百乘。故千乘也。朱英以飾牙。練滕以約弓。朱練皆諸侯之飾也。重弓二弓也。公徒旬徒也。萬二千五百人爲軍。三軍止二萬五千人。而言三萬者。舉成數。以便文。且必有餘。是以備闕也。貝冑。以貝飾冑。公司馬之冑也。練綫也。所以綴甲。以朱爲之。亦公甲之飾也。烝徒。增增者。公徒生齒日繁。則增增不已也。戎徐戎之屬。狄。長狄之屬。庸。當也。荆楚。本號舒舒。參舒庸之屬。慈治也。承亦當也。壽胥與試。壽考者。相與試用於位也。

泰山巖巖。魯邦所厯。奄有龜蒙。遂荒大東。至于海邦。淮夷來同。莫

不幸從魯侯之功

唐至也魯與齊以泰山爲界也龜山在今新泰泗水二縣界蒙
山即東蒙在今費縣荒治也大東極東也海邦近海之國也
保有免繹遂荒徐宅至于海邦淮夷蠻貊及彼南夷莫不率從莫
敢不諾魯侯是若

免繹二山皆在今兗州府鄒縣宅居也徐近魯故謂之宅蠻貊
荆蠻蠻貊之屬南東南方夷服之國諾應若順也

天錫公純嘏眉壽保魯居常與許復周公之宇魯侯燕喜令妻壽
母宜大夫庶士邦國是有既多受祉黃髮兕齒

常地無考疑爲西京朝宿邑許許田本東都朝宿邑植公弒隱

公以賂鄭莊公遂爲鄭地常許本皆周公爲王官之采邑而分於魯以備朝宿者故願僖公居而復之也令妻令善之妻聲妻也壽母壽考之母成風也有常有也免齒齒落更生細者亦壽徵也

徂來之松新甫之柏是斷是度是尋是尺松柄有烏路寢孔碩新廟奕奕矣斯所作孔曼且碩萬民是若

徂來山在今博城縣新甫山在今汶上縣八尺曰尋烏大貌路寢正寢也寢莫大於路寢故曰碩新廟即路寢之廟也矣斯公子魚之字作監其事也曼長也諸侯曰萬民

路寢於寢爲正寢於朝爲內朝被災而作雖云急務亦常事

耳乃文辭之多。至遠溯姜嫄后稷大王文武既失不祖天子之義而夸侈過當。非特無小雅斯干之典則且與前三篇之美不失實頌不忘規者亦大不類也。蓋是時齊桓方終魯文未伯故作南門卜郊祭魯君臣侈肆無忌僭端方萌自是而魯遂日衰。未可以有爲矣。詩未有長於此者。此周詩三百篇之殿也。篇中歷數姜嫄后稷大王文武以至周公魯公所。以著周有天下魯有其國之由。而即以爲收攝三百篇之文。局篇中三言周公所以歎周之衰。而知西周不可爲也。三言魯侯所以傷魯之衰。而知東周亦不可爲也。特標莊公著魯亂之始也。魯之衰莊公爲之也。

魯頌四篇二十四章二百四十四句

脫一句實二百四十三句

商頌四之三

契爲舜司徒而封於商今陝西商州直隸州至湯而遂以爲有天下之號風不列宋而頌存商商於周爲勝朝在前代爲至近故略存其梗槩也且聖人生當周季於魯爲父母之邦於商爲水木之本故俱附其詩於後既以志尊親之意又以表周世盛衰之終始而宋魯觀禮亦即於斯可徵矣

那一章二十二句

那合樂以祭也

猗與那與。置我執鼓。奏鼓簡簡。衍我烈祖。湯孫奏假。綏我思成。執
鼓淵淵。嘒嘒管聲。既和且平。依我磬聲。於赫湯孫。穆穆厥聲。庸鼓
有數。萬舞有奕。我有嘉客。亦不夷懌。自古在昔。先民有作。溫恭朝
夕。執事有恪。顧予烝嘗。湯孫之將。

猗歎辭那多置陳也簡簡和大也烈祖湯也湯孫主祭之時王
也奏假奏樂以求烈祖之格也思成者致齊三日已思神之所
由格矣今奏樂而神果來格則思有成效也淵淵深遠嘒嘒清
亮也穆穆厥聲者湯孫聞眾樂之聲而已穆穆有容也庸同鐘
數數然盛也奕奕然有次序也嘉客助祭之賓也夷平懌悅也

亦不夷。擇者言皆夷。擇也。自古自古而遞傳至今也。在昔由今而追溯在昔也。先民即古昔之人也。作創造而行之也。恪敬也。惟其行之於朝夕無不溫恭。故至執事而能有恪也。顧猶享也將奉也。言湯孫盡恪以祭則烈祖庶享之也。

記曰商人尚聲。臭味未成。祿蕩其聲樂。三闋然後出迎牲。故祭必先合樂。樂既合而又爲此舞以象其樂之成也。

烈祖一章二十二句

烈祖告利成也

嗟嗟烈祖。有秩斯祐。申錫無疆。及爾斯所。既載清酏。賚我思成。亦有和羹。既戒既平。醲假無言。時靡有爭。綏我眉壽。黃耇無疆。約軼

錯衡八鸞鶴鶴以假以享。我受命溥將。自天降康。豐年穰穰。來格來饗。降福無疆。顧予烝嘗。湯孫之將。

爾謂時王也。自舞者而言斯所猶言此處也。首言烈祖有無窮之福。申重以錫而至於今王也。酌酒齊與也和羹羹之調和者。戒夙戒也。平治也。載酒以爲裸獻至羹定而祭禮斯行。戒舉其始。平要其終也。嚴同奏。無言樂奏而人靜也。時靡有爭者人以盡禮爲敬。天下皆化而治也。於是烈祖亦綏我以眉壽而至於無疆矣。軼衡鸞鶴皆諸侯來朝助祭之容。假享獻溥廣將大也。即諸侯之助祭而知受天命廣大也。於是天降豐年亦格饗於我而降福無窮也。極言烈祖顧湯孫則下可以服諸侯上可

以享天心故仍終之以望烈祖之顧也

商人尚聲故上篇專主樂成此則當祭而禮無不備又以禮成言也禮明樂備祀事之大者也故形之於舞其節既同而末二句并無異辭也

玄鳥一章二十二句

玄鳥高宗中興天下成宗也

天命玄鳥降而生商。宅殷土芒芒。古帝命武湯。正域彼四方。方命厥后。奄有九有。商之先后。受命不殆。在武丁孫子。武丁孫子。武王靡不勝。龍旂十乘。大糝是承。邦畿千里。維民所止。肇域彼四海。四海來假。來假祈祈。景員維河。殷受命咸宜。百祿是何。

玄鳥巢也玄鳥墮卵與母有城氏女簡狄吞而生契契封於商
故曰降而生商也殷亳之別名今河南府偃師縣湯所都也芒
芒大也古往古也帝上帝也武湯以武德有天下之號也正治
也域封境也方即四方也后諸侯也方命厥后每方命諸侯爲
之君也九有九州也武丁孫子武丁自稱也對先后而言故又
繫名以孫子也言商自契以來能受天命而不至危殆者又在
於己也先后謂契武王謂湯武王靡不勝者中興而行湯之事
無有不勝任也龍旂殷天子之旂也龍旂十乘猶云元戎十乘
也檮棗稷也大禘天地之大祭也承當也奉也言乘輅祀天以
爲諸侯主也又言王畿雖止千里而民得所止則正域遂極四

海也。祈祈，眾也。景仰也。負諸辭，河大河也。來格者，景仰邦畿，達於河而遂至也。何同，荷住也。

特錄高宗中興之詩，猶大小雅詳宣王中興也。所以勉後世人君，幹蓋也。

長發七章一章八句四章章七句一章九句一章六句

長發大享也

濟哲維商。長發其祥。洪水茫茫。禹敷下土。方外大國是疆。幅隕既長。有城方將。帝立子生商。

濟深也。言商自契以來，世秉濟哲之德，故其發祥甚長也。方正也。禹治洪水，既平，遂敷土以分九州而成五服也。外大國，侯服

之諸侯也。疆正其封以捍外而蕃內也。幅邊幅也。隕當作員。均也。周也。言諸侯之國其境均。周長於男邦也。有城侯國名。司馬貞曰。當在蒲州。契之母家也。將大也。帝上帝也。子有娥氏之女。謂簡狄也。契封於商。故曰生商也。

玄王桓撥。受小國是達。受大國是達。率履不越。遂視既發。相土烈烈。海外有截。

玄王契也。以玄鳥降而生也。王者追遠之號。桓武撥治達通也。言契以桓武之才撥治其國。受小國而小國達。受大國而大國達。蓋水土初平。披荆棘以立國。故曰達而大也。率履不越。循所當履而不過也。發見也。遂其所視發見而有徵也。不越既發言。

視履考祥也。相土契孫烈烈功業顯盛也。戡戡然整齊也。至於海外則所及者遠矣。

帝命不違。至于湯齊。湯降不違。聖敬日躋。昭假遲遲。上帝是祗。帝命式于九圍。

齊如幼而徇齊之齊。帝命在商久而不違。至湯生有聖質而愈可見也。降猶生也不違。適當其時也。躋升也。遲遲久也。祗敬也。九圍九州也。惟聖敬日升。故能昭格於天。久而加敬而帝遂命之爲法於九州也。

受小球大球。爲下國綴旒。何天之休。不競不綈。不剛不柔。敷政優優。百祿是遒。

小球大球小國大國所替之王也下國諸侯也繅繫也旒旗之
垂者言爲天子而爲諸侯所繫屬如旗之終爲旒所綴也何同
荷競強綈也優優寬裕也道聚也

受小共大共爲下國駘死何天之龍敷奏其勇不震不動不懋不
疎百祿是總

小共大共小國大國所共之職也駘厪馬之大而有力者喻能
勝大任爲諸侯所尊也何天之龍猶乘龍御天也敷奏其勇有
武功也懋恐疎懼也不震動懋疎履帝位而不疚也

武王載旆有虔秉鉞如火烈烈則莫我敢曷苞有三蘂莫遂莫達
九有有截韋顧既伐昆吾夏桀

武王湯也度敬也言恭行天討也鉞斧也烈烈武勇如火之猛也爲誰何也苞本也藥旁生萌藥也言一本生三藥也本則夏桀藥則韋顧昆吾也莫遂莫達四國皆莫能遂其惡達其志也韋彭姓國顧昆吾皆已姓國於是伐韋伐顧伐昆吾終伐夏桀而九州無不戡然整齊也

昔在中葉有震且業允也天子降于卿士實維阿衡實左右商王葉世震動業危也承上文而言昔在蓋自湯以前中世常農也允也天子謂湯也降如維歡降神之降乎同與卿士官名阿衡衡平也因以爲伊尹之號言湯之功信爲天之子矣故天降予以卿士有伊尹者實左右乎商以成王業也

今文尚書曰：茲予大享于先王，爾祖其從與享之。即此詩之謂也。若其制則無可考。此詩言有娥，言玄王，則有似乎周之禘，又自玄王以及相土成湯，亦有似乎周之禘。末章蕪及御，古并有似乎周之烝。制有不同，亦不得曲爲比例耳。以下二篇乃商之樂歌，非頌也，而統於頌者，蓋既附商於周詩之末，因又附歌於舞之末，勢不得更標商雅也。魯頌本列國之詩，則其體非雅非頌，而商本先代之樂，故其詩因又蕪雅蕪頌耳。

殷武六章三章章六句二章章七句一章五句

殷武高宗克楚，朝諸侯而考室也。

捷彼殷武。奮伐荆楚。深入其阻。哀荆之旅。有截其所。湯孫之緒。捷威可畏。魏殷武。殷王之武也。宋深喪敷也。伐楚而深入其阻。則楚取雖多亦使之截然而安其所。未敢爲亂也。湯孫即高宗也。易曰高宗伐鬼方三年克之是也。

維女荆楚。居國南鄉。昔有成湯。自彼氐羌。莫敢不來享。莫敢不來王。曰商是常。

鄉方也。氐羌西陞種族之名。享獻也。世見曰王。此既克楚而告以王制也。言楚無氐羌之遠而敢不享。王乎蓋因楚而并以風示天下也。

天命多辟。設都于高之績。歲事來辟。勿予禍適。稼穡匪解。

多辟諸侯也。來辟來王也。適猶通言天命諸侯建國於禹甸。以歲事來王。則王不加譴。以其不懈於民事也。此諸侯來朝也。天命降監。下民有嚴。不愆不溢。不敢怠遑。命于下國。封建厥福。

監察嚴威也。降監有嚴言天民之可畏也。愆實之。奉滋刑之過也。言高宗敬天畏民。慎於刑賞。不自懈逸。故命於諸侯而封建之。皆為諸侯之福也。首二章言服叛。此二章言懷柔。下二章則遂及守成而考室也。

商邑翼翼。四方之極。赫赫厥聲。濯濯厥靈。壽考且寧。以保我後生。商邑王都也。翼翼。整飭貌。極。表也。猶皇極也。赫赫。顯著。濯濯。光明也。極言中興之盛也。我後生。謂後嗣子孫也。言非特當時之

盛且垂裕後人也

陟彼景山。松柏丸丸。是斷是遷。方斲是虔。松栢有榑。旅楹有閑。寢成孔安。

景山名商所都也。丸丸直也。遷徙方正虔。截榑長旅。東闌大也。寢大寢也。終之以考室者。衰弱之餘。百事廢壞。中興幹。盡氣象。幸新有不能已於輪奐者。亦猶周宣魯僖。皆以中興終於考室也。

玄鳥高宗所作之樂舞也。此詩高宗所作之樂歌也。而魯頌之終曰。孔曼且碩。萬民是若。此詩亦曰。寢成孔安。何也。蓋室者天下之本也。易大傳曰。君子居其室。出其言善。則千里之

外應孝又曰正家而天下定美聲容之盛修於身而刑於家
則雖極之四海有不基於考室者乎

商頌五篇十六章百五十四句